

四庫全書

集部

欽定四庫全書

篁墩文集卷七十二

明 程敏政 撰

詩

閣文振方伯王景端都閩諸公邀餞靈隱寺

錢塘門外日初紅
萬頃湖光一鏡空
白塔蒼松山向背
畫船垂柳路西東
放生字認唐遺碣
行在名傳宋故宮
弔古有情詩不逮
一林啼鳥自春風

飛來峰下舊祇園
勝覽平生第一番
方丈雲深疑伏虎

洞門風冷罷呼猿天開畫史丹青筆水雜遊人語笑喧
相對東皇須盡醉一時那得聚高軒

偃蓋松間載酒行才驚飄泊過清明五年別向茲山會
兩月春無此日晴石古誰參圓澤偈井湮猶帶葛洪名
酒酣又是分携處情比江潮晚未平

胡文恭僉憲邀遊西湖次張天錫湖船舊韻

湖上來尋一日歡春風消得旅懷寬玉壺載酒隨山住
銀甲彈箏隔水看花雨上瞻三竺遠松雲高拂兩峰寒

忘情潦倒沙鷗社相好平生幾豸冠

馬嵬八景次韻為閤方伯賦

槐里西來一故城亂離曾列幾屯營千家已託英雄庇
百戰誰爭豎子名夕照有情山戍改東流無限野塘平
關中此日今蕃盛贏得荒基蔓草生 右馬嵬故壘

不思初政戮家姬坐遣胡雛犯洛師野鹿已招三鎮亂
青螺剛濟一身危冰消珠翠汗新壤雲暗金湯失舊貲
萬古持盈堪作戒開元全盛幾多時 右楊妃荒塚

誰從坡下鑿重淵
威沸開成兩玉泉
根蝕雲蘿常脉脉
影涵風篠共涓涓
旱時幾藉龍功普
跑處疑存虎跡圓
能遣菜根滋味好
千金一畝敢爭妍
右地湧雙泉
玉趾青毛遍石田
名傳豐本自何年
生憐蔬甲踰兼味
日課園丁獲幾錢
星列一籩春薦廟
雨翻雙剪夜登筵
品供十八思賢輔
肉食令人倍赧然
右園栽叢韭

勝地猶存姓屢更
淡烟荒草沒秋城
主家西逐秦雲散
僧錫東隨渭水傾
天靳寶花誰伏虎
枝空仙李不聞鶯

惟餘一片長安月夜夜相臨似有情 右金城古跡

寶坊高處地幽偏鐘響常疑落半天旅次喚醒塵土夢
上方驚散海雲眠紗籠客誚非時飯錫杖僧開午夜禪
看院鶴鳴如應答一聲聲出薜蘿烟 右寶刹晨鐘

萋萋芳草綠如烟鳥外長空澹欲連路闌裙腰時隱隱
風翻書帶亦芊芊川光遠襯桃如笑野色平分柳未眠
南浦一番春又別王孫歸興繞吟邊 右西原春意

社公祠處百家同疊鼓鳴簫俎豆豐千載力田嘉漢詔

六經敦本說幽風雞鳴犬吠聞宵警女饁男耕畢歲功
無吏索錢官稅足相逢莫放酒杯空 右南畝秋成

左時翊大參約出清波門飲石屋寺遂至水簾

烟霞二祠次李若虛憲副韻四首

山行隨處酒旗斜風逼輕陰水漾沙抱岫嵐光疑失路
出牆春色喜逢花武林佳勝當三月文苑風流會一家
此別相思重回首迢迢清夢隔京華

何代龍潛屋後峰塹崖穿破碧重重風雲變化應難測

頭角崢嶸豈易逢
新度開山祇樹繞
舊遊題字薜蘿封
奇觀一日忘歸晚
側耳高城已暮鐘

何處令人俗可醫
偶穿脩竹赴幽期
水從鬼窟鳴雙玉
山自靈峰轉一枝
便覺管弦聲浣耳
共隨猿鳥立移時
巔崖象石常相近
幻色潮音兩闕奇

入山無處覓新茶
深洞翻疑散寶花
何代神功初闢地
一時僧梵偶成家
上方坐見潮生浦
歸路誰看樹隔霞
春盡江南驚暴熱
擬將紈扇拂輕紗

鍾馗騎驢圖為周可大憲使賦

陰風蕭蕭吹髮寒老馗夜踏山雨殘恨生不作中執法
誓死肯負唐衣冠驪山夢破一回首上帝毋煩六丁走
魑魅都歸鞭策中贏得騎驢袖雙手

歙西許良慶自號松谷相會武林求予詩

歙西有佳境老翠薄青冥力受風霜飽心知歲月經竹
梅同晚節蒲柳媿先零何日開新社相隨共斲苓

陳德脩太守自金華寄雪窩詩索和

最爾無餘地，悠然絕點塵。
閒情真却掃，爽氣欲侵人。
晝迥雲生座，宵空月照隣。
為言公暇日，誰與和陽春。

張廷芳李若虛二憲副及江廷諸憲僉約遊西湖左時翊大參後至得聯句十首時成化癸

卯三月三日也

東風吹雨下湖船

程

良會今朝豈偶然

江

烟景可人非

為酒

張

春光隨地不論錢

李

數聲啼鳥蘇堤外

左

幾樹

垂楊岳廟前

程

滿眼詩情吟不盡

江

孤山祠下酌三賢

張

烟景霏霏入暮春

江

賞春多是宦遊人

張

野鳬狎客隨

舟遠

李

江燕穿花送酒頻

左

雅會不須歌舞溷

程

奇觀

絕勝畫圖新

江

六橋過盡重回首

張

久駐湖邊我未嗔

李

十里湖山入望遙

張

可堪野色故人撩

李

樓臺隱顯午

烟淡

左

鵝鴨浮沉春水嬌

程

撫景無詩憐我拙

江

追歡

有樂是誰招

張

東風更有重來日

李

莫待濃陰翳斷橋

左 時有小舟載
二秋童故詩及之

來往遊人不避舟

李

鏡天空闊雨初收

左

桃花向我如

相笑

程

竹葉浮君可自由

江

山外有山深見寺

張

客邊

逢客一登樓

李

唱酬遮莫歸鴉盡

左

三竺峰前更小留

程

公家事了獨來遲

左

一笑相尋本有期

程

湖上風光春

最好

江

雨中詩景晚尤奇

張

隣舟愛客供鮮鯽

李

古寺

尋僧問紫芝

左

多謝故人頻餉我

程

可堪明日又分岐

江

山當佳處啓船扉

程

喚酒催詩思欲飛

江

狼藉醉中長

短句

張

闌珊春後袂綿衣

李

忘機鷗鷺隨冠蓋

左

浪跡

鵝鷺負蕨薇

程

後會未涯情未已

江

恨中誰道故人稀

張

西湖春水暖溶溶

江

美景佳賓豈易逢

張

遊到南屏船

駐久

李

坐忘東道酒行重

左

高城迢遞烟鐘晚

程

遠浦

參差雨樹濃

江

劇飲不須修禊事

張

會稽何地覓遺蹤

李

主客同舟西復東

張

花邊烟雨柳邊風

李

謫仙先我詩

層出

左

楔飲憑誰酒易空

程

青雀渡頭春樹暗

江

白鷗

沙外晚潮通

張

相看此地情無極

李

弔古還尋放鶴翁

左

湖上風烟三月三

李

湖中新水遠拖藍

左

風流再續蘭

亭後

程

文物誰當北斗南

江

林外鳥驚人語亂花前春

共客情酣

李

乘時張弛非沈湎

左

紀勝無才却自慚

程

維舟重憩藕花居

左

湖水湖山故惱予

程

紗帽不妨風

外側

江

塵襟都向雨中舒

張

滿天暝色催詩急

李

繞座

春光入醉餘

左

遊倦莫愁歸路遠

程

湧金門外有輕輿

江

景範為武林施秀才賦

往哲去已遠遺範存典冊居然山斗尊景仰斯有獲多
君淞西彥揭榜示鞭策一善思服膺微言亦探索持循
苟弗已漸可窺道脉或堪鳳騰味何止鵬奮翮云為一

愆期名實坐難核悠悠聖狂分忽忽天壤隔勉哉好德
人毋遣中道畫希顏與學孔千載後賢責

與閤方伯飲紫陽菴次韻

一縷茶烟濕未消幾梯雲路暗通橋濤頭盛擁鵷夷怒
亭上清留野鶴標病目臨風常帶顚弊裘經雨半成潮
重來便擬非生客徑揖山靈不待邀

程氏三節婦詩

族姪秦孫
尾舟求賦

一節已云寡聯芳良獨難偉哉程氏婦挺此三琅玕竭

從夫子亡矢死為孤鸞娣也謝膏沐姒也捐羅紈空閨
宵無人號慟摧腸肝庭烏助其哀比隣輟其餐撫嬰尚
自苦獨處尤悲酸人生幾何時日月如流九長者遂白
頭少者顏凋殘不見昊天廣但覺春風寒乃知帝降哀
本固不可剋滔滔東逝水足與回狂瀾願言冠屨子勿
作偷生安如此巾幘人輸彼一寸丹長令天地間凜凜
節操完我非劉更生聞之坐長歎誰當傳列女千載名
弗刊

劉廷訊方伯諸公邀飲紫薇樓次舊韻

登臨談笑總材雄
興入蒼茫四座同
潮落宋元興廢外
山分吳越有無中
一方屏翰遵周制
萬里梯航念禹功
醉倚危闌還縱目
數行征鴈逐南風

與時翊大參若虛憲副同至勝果寺欲尋宋宮
遺址雨不克往

出城何處可消閒
寶剎巍巍紫翠間
下界路尋松杪入
上方人自霧中還
女牆半鎖雲千疊
御沼平分水一灣

金史卷之八十二
卷七十二
不盡登臨懷古意誰教春雨斷空山

武林寫竹裴生爽求晚翠詩

萬紫千紅不奈看有名誰可結詩壇惟餘筆下脩脩竹
解與幽人閱歲寒

閻方伯為予言藩省門對吳山有白鷺羣飛朝
去暮來日以為常因識以詩且將繪圖以傳
遂次韻一首

侵曉來從杜若洲晚風吹過紫薇樓水田漠漠翻晴雪

塵海茫茫點白漚終日往還如有約隨時啄宿本無求
清班高處君曾立未許吳山得久留

呈致政大理仁和夏公

公嘗主孤山書院先人同年也

風流通老舊林居見說曾停長者車
釋子仙翁憑結社水經山志亦成書
笙歌懶逐遊人後院落初更野火餘
獨有問奇船誤入時從湖口訪樵漁

簡劉竹東

甚欲與邦彥諸君子尋湖上一日之樂
往往為藩

金少府集卷之十二
臬貴人所先弗克遂戲成一律奉簡幸不惜倚歌
之調北歸把翫庶豁我塵慮之萬一乎

東風日日綺羅筵失結詩家冷淡緣呵卒行慚松下道
伶童聲浣礪中泉沙鷗野鳥渾相避岸草汀花亦自憐
孤負湖山好春色向君思覓卧遊篇

贈嘉興王景福通判

景福予鄉人
考銓士首選

吏部文章第一人奉天門下拜恩新家藏徽國遺書滿
郡與宣公舊宅隣屬縣迎人來畫舫監州行事等朱輪

因君相慶還相屬不負平生在澤民

雙壽為刑部劉廷臣郎中賦

時以獄
會姑蘇

高堂二老面如丹同一生申世更難仙授遐齡書付鶴
帝頒殊寵誥迴鸞喬松未覺年華老萱草能禁雪意寒
持節平刑誇令子過家稱慶有餘歡

題禮部呂東之郎中畫冊

衡門俯寒江隱隱脩竹下鼓櫂問奇人扁舟快於馬
危山聳如人絕壑下如阱居然垂釣翁相呼不相應

涼宵萬籟息明月流天中放舟出浦口仰面承江風
雲浮天外峯烟斷江頭樹倚岸得綸竿漁家不知處

題無錫華文君便面圖詩後

當時交契滿清朝離合難禁歲月遙重續舊題無限思
一燈殘雨宿長橋

飲虎丘舟中呈致政祝大參顧憲副及受封王
太史

客裏春將暮乘閒上虎丘飲便荷葉盞坐愛木蘭舟倚

棹聞啼鳥鳴簫動狎鷗幸陪諸老至不是少年遊

楓橋送別圖追賦送劉汝器太守

楓橋岸側雞亂鳴楓橋水邊舟欲行老稚歡呼吏人擁
云是劉侯朝帝京劉侯愛民如赤子三歲大朝今歲始
循良定作好諸侯清白曾夸真御史楓橋之水來吳江
劉侯惠澤如水長王程有期不可挽起舞再進黃金觴
明年二月春滿野一路垂楊翠堪把焚香結綵預相期
還向楓橋候車馬

讀大司馬三原王公奏議

三復華編思不禁
愛君憂國慮何深
忠言如出宣公手
慟哭誰知賈誼心
名字直應高北斗
文章寧止重南金
何時詔許歸黃閣
坐遣蒼生得傅霖

追和虞道園石湖治平寺詩韻

假宿胥門驛
竹扉常反關
時登屋角樓
望見吳中山
居然石湖里
隱映如一寰
繁華久銷歇
流水空潺湲
聞說古郊臺
猶存蘭若間
無由策杖入
借此半日閒
孤懷坐

成晚浮雲自東還

石湖治平寺故有道園學士之作蕭海釣給事過而和之以貽趙仲輝承事仲輝間持以屬予久無以應也晚春雨霽登姑蘇樓遠眺勉賦一首

題洞庭吳鳴翰秀才東峯卷

日出峯上紅水繞峯下碧中有藏修人心期謝安石

四仙圖為栗之題

不見升天翼冷然解御風當時觀水趣可與仲尼同

七賢何代士同作過關人或是逃名者聯翩起避秦
東海如清淺蟠桃更熟無誰於天際路飛鳥見雙鳬
仙奕心難靜經年事手談倚門千古恨誰似爛柯慙

郭忠恕雪霽江行圖為沈啓南題

蜀山曉起雪大晴蜀江早有商船行前牽百丈後催舵
欲動不動難為情兩舷相依若弟兄雪後無風江水平
古來川貨甲天下爾中何物皆充盈一舟繫尾大於瓦
蕩漾不敢相先爭有時遇險即分載主者自解操奇贏

長年三老各守職翹首疑聞呼嘯聲紛紛遠樹霧中出
點點玉峯天外明權郎呵凍相偶語隔岸恐是夷陵城
大灘小灘難悉數自出兩川今幾程嗟哉遠道亦良苦
鹽井有戒何相輕披圖一見肌上粟凜然朔氣生簷楹
摩挲久之意乃定何人方寸勞經營素縑半幅不盈尺
云是東都狂郭生宣和天子愛書畫親與印識題其名
一朝桑海忽遭變內局委棄隨榛荆郭生惟餘比干畫
猶幸不燬南來兵奎章學士子山子獻納曾傾葵藿誠

爾來二百有餘歲屈指春秋凡幾更不知此本尚在否
撫卷益覺心怵怵石田沈君最博雅重購所得人皆驚
裝潢完好無罅裂入手坐見增光榮郭生斯圖乃其一
餘者往往皆精英題詩有暇或臨掃也以丹青吳下鳴
聞君家住湖水側青山古木相迴縈何時倚櫂一尋訪
君當倒屣來相迎翩然坐我竹窗下石鼎細呼春茗烹
揮童開奩取卷軸甲唐乙宋聊相評旁人定謂太古癖
塵襟且擬冰壺清却愁玩物犯祖戒未敢先輸他日盟

啓南此畫題者已多不容復贊獨記在宋元史局時
嘗見巖子山進郭忠恕比干圖事題者偶未之及爰
緝成篇聞啓南家藏多古畫法書甚欲一觀之因復
自念啜茶觀畫皆先世所遜謝未諳者不覺惕然為
之中沮更俟商確云

結草庵與黃二宣飲

厭見敲蓬雨來尋結草庵土峯新鷺嶺石澗小龍潭路
繞蔬畦外城當竹院南客懷消不盡一飯聽吾談

龔廷臣許刻圖書不至詩以促之

竹風清處只題詩一寸并刀不浪施能事自應難受逼
知音寧肯亦相辭新形活動盤蒼紐古篆橫斜度赤絲
從此文房知借重泊舟相待已多時

夏太常竹為劉太守題

平生最愛文湖州揮毫落紙涵清秋胃中自有渭川在
高卧直輕千戶侯太常亦曾乘五馬風致不在湖州下
剪得吳淞水半江頓覺姑蘇紙增價瘦節矯矯虬龍形

細葉蕭蕭鸞鳳翎清潭下照不見影爽籟一披如有聲
我朝名筆忽到此眼中瀟湘無乃是冰縑欲贈誰可當
總說劉侯德相似劉侯治蘇經五寒挺然可比青琅玕
雅操不為雪霜變虛心肯受塵埃干漢室行將召循吏
幾見春花逐時媚惟有清風似故人頭白相看不相棄
黃鶴山樵為沈蘭坡作小景蘭坡孫啟南求題
在昔蘭坡翁結屋斷塵鞅俯聽溪閣邃仰眺巖扉敞天
機久已熟真趣可誰賞頗聞黃鶴山樵斧隔林響居然

駕小舟來趁夜潮長相對喜忘言欲去愁孤往揮毫意
不極縑素大於掌高松發天籟哀壑生夏爽撫景尚如
昨斯人已黃壤逆旅開畫奩斜陽落書幌高風邈難扳
題詩寄遐想

書東峯吳鳴翰秀才與王太史顧永州華應城

聯句後

行人一月住姑蘇手閱珠璣興不孤分道正奇知善戰
無形山水見佳摹高楊句法真能續韓孟才名漸可圖

頗恨風帆催去速無緣謔葉付奚奴

戴以德侍御行臺清節卷

繞舍森森玉萬竿不知曾歷幾人看一經句曲仙郎手
便覺行臺分外寒

繡衣心性愛霜筠自起新亭作主人公退翛然無一事
清風看掃簿書塵

登金山

眼中帆影去如飛檻外波光碧四圍南北勝遊皆下此

乾坤高興獨憑危中瀦水品清人骨絕海風聲振客衣
張祐有詩誰更續留雲亭畔倚斜暉

大江中擁一峯孤面面天開海嶽圖黃鵠久隨拳石化
白黿能受老僧呼遺丘漫指青囊郭劫火猶傳玉帶蘇
起向妙高臺上立朶雲紅處是皇都

聞熊良佐太守復追餞江口不及詩以寄意

欲趁潮生早渡江多君投轄意難降已從水上鳴雙櫓
莫遂沙頭倒一缸隔岸村雞催午爨留人江燕集風幢

不堪咫尺分南北斜日孤舟獨倚窗

謁董子祠

在鹽運司後

江都仍舊地無復漢王臣故宅碑全燬荒園井未湮一
言分義利三策動天人轉運今祠主相隨莫綠蘋

題郭守備畫卷

一尊相樂水雲間曾共轅門一日閒今度逢君江北路
只從圖上看青山

海道守備都閫郭公節制之餘喜事文史予過姑蘇

嘗同遊天平諸山樂甚今茲復會廣陵酒半出此因
賦一詩且以見過江無山可登并博一粲

賦瓊花時與楊成玉太守鮑栗之同知飲無雙

亭作

仙姬謫墮偶成叢江北淮南淑氣通天上有容爭玉雪
人間無地著青紅野塘逼路魚吹絮古廟依林鳥喚風
不盡閒花傾國恨蕪城斜日舊離宮

飲總漕平江伯陳公園

元戎能武更能文
新起園亭自不羣
塵裏烟霞惟此見
胷中丘壑許誰分
投壺散坐隨花影
草帖臨池傍水雲
幸我暫來仍暫去
不辭觴詠到斜曛

徐都憲新奉勅至淮上以詩賀之

烏府誰堪衆論諧
多君宜進大夫階
舊班寵澤均三輔
新詔提封盡兩淮
擬見清霜消酷暑
可憐平地走陰霾
宇中屈指觀風使
會遣功名愜壯懷

題淮人史孟哲所藏趙仲穆蘭

墨池誰解返香魂
淡葉疎花古意存
雲水風流湘水怨
不知同是舊王孫


題增光前人卷

故平江侯陳恭襄公以漕運功廟食于淮今上皇
帝特輟其孫征蠻將軍總代其兵下勅褒之淮人
大說由是進士曲陽令畢玉廷璽擲勅中增光前
人之語為卷求詠歌之

東南漕粟如屯雲
舳舻千里聲相聞
何人轉餉稱第一

樓船獨數陳將軍三朝歷歷書勲考撫髀無由起元老
寢廟弘開楚水頭不斷行人薦蘋藻樓船孫子人中龍
早從南粵分提封八蠻坐使遵漢法五嶺不復生烟烽
一日功成召還闕浩氣如虹面如月臨軒天語十分濃
許秉樓船舊時鉞淮陽幕府今幾年門前喬木高叅天
兵彊食足兩無事謀謨一一皆家傳平生好文不專武
清白相承守茅土天教良將輔中興何愧周家世臣虎
倉廩不虛國不憂二京相望皆安流殿巖微入衛天子

剖符再見封元侯



望墩文集卷七十二

欽定四庫全書

集部

篁墩文集卷七十四

詳校官編修臣李堯棟

中書臣劉源溥覆勘

總校官進士臣朱鈐

校對官監丞臣張魯炳

謄錄監生臣黃憲度

欽定四庫全書

篁墩文集卷七十三

明程敏政撰

詩

思補堂為畢知縣賦

淮樹何蒼蒼淮流下湯湯水木相荏苒中有君子堂眷
彼堂中人意氣如圭璋金榜昔高捷花縣方迴翔不願
縻好爵幡然歸故鄉閒居二十載鬢髮驚滄浪平生君
父心一飯寧敢忘清夢繞庭闕遐思在羹牆孤雲起復

止春草萋以長令德幸加勉桑梓流其芳城東節孝心
鬱鬱遙相望

都廷美參將之子克讓思以經術自奮求詩為
勉

將門才子樂從儒聞道窮經衆不如棘院英豪堪一戰
芸窗辛苦足三餘彎弓不射南山虎走筆將騰北海魚
文武一門看世澤他年留待史官書

題廣人鍾禧所藏蘇東坡親書率子廉傳後

紫虛閣上幾丹成
杵臼聲殘月自明
不是長公詞翰絕
世人誰記率生名

禪榻香銷一穗雲
斷縑遺墨喜逢君
臨風細認藏書印
猶是襄陽米芾文

飲平江伯清江浦別業中有道院及其大父恭

襄公祠堂

一江如玦繞堤青
琳館丹房畫不扃
樹轉陰中斜作路
景逢佳處半開亭
魚驚洗硯過沙蕩
鶴聽敲碁傍石屏

未放客舟仍徙倚舊勲祠畔讀碑銘

留題表兄林文秀

時為淮陰驛官

一官辛苦向淮陰
上世猶傳九牧林
壯歲功名須努力
外家兄弟最關心
官河發棹乘春晚
驛館挑燈語夜深
明日又應分去住
天涯相望各霑襟

大河衛閔恭百戶玩韜軒次卞郎中華伯韻

要將忠赤報皇家
手閱兵機鬢未華
辨悟公孫非白馬
勇思周處戮長蛇
曾從老將窺三略
不數旁人泥六花

當局定知多勝算曉添營竈夜量沙

知是淮東宿將家騰傳英譽滿京華素書妙指傳黃石
紫綬佳祥見赤蛇武隊曉屯新細柳戎衣秋展舊團花
太平未可全忘戰珍重夔州磧上沙

題林良畫

一鷺閒依翠藻行一禽飛繞絳桃鳴
轅門晝靜無矰弋
何限春風筆下情

邀月軒為太河衛千戶陳鎧賦

金宗潤太
守之觀

不須燒燭照幽軒
夜下空階白露繁
開戶欲分丹桂影
倚闌思共素娥言
旋收灝氣歸佳釀
莫放清陰過短垣
何羨庾樓高百尺
此中仙興絕塵煩

題鄉人畢廷馨金臺別意卷

子向皇都來我向皇都去
相見下邳城各誦離筵句子
行入家山動我遊子顏
驚風吹野水夢逐孤雲還我懷
致君憂子遂奉親樂悠悠
南北人何時罷行脚

壽邳州致仕都督韓公八十

總漕揮使
廣之父

納節歸來二十秋，丹心猶在雪盈頭。
口傳約略勲名遠，身賜龍衣寵眷優。
壽域擬過周尚父，轅門相近漢留侯。
賢郎接武先諸將，新總軍儲十萬舟。

徐州與客夜酌聯句留別馬瞰貢魁

今夜彭城雨，又來燭花影。
裏一尊閒，人生聚散紛萍梗。
前代興亡付劫灰，佳會幸逢全盛日。
並遊誰是出群才，明朝天北天南恨。
野水孤雲戲馬臺。

沛縣端午與同行徐敬夫舍人王去私司務趙

夢麟主事

泗上分明古驛亭客舟俄聚水雲汀佳辰幾遇頭將白
故舊重逢眼又青闕下起居應賜艾尊前離合笑看萍
清時致主身同健莫向東流問獨醒

歌風臺

土牆茅屋斷堤垠感慨當年此奉宸廢井獨來提甕女
空亭無復打碑人真王業可忘思沛猛士歌應悔狩陳
斗酒未窮懷古意夕陽紅處麥粼粼

有感

供應紛紛接兩京
舳舻千里敢爭衡
尚方味說東南美
勅使行兼日夜程
進果誰陳加爵疏
獻芹圖得愛君名
豈知仁聖憂民隱
盱食時時減大烹

醉中和去私一絕

蒲有香根芥有臺
客中佳節掌中杯
同來弔古皆豪俊
莫問詩才與酒才

硯瓦溝

在濟寧南其水黑色
有碑云宣聖墨池

一派泉聲出礪長千金猶帶墨痕香源流色正分玄武
刪述功深仰素王湘水有魚還識字滎河無馬復呈祥
稽疑欲借圖經看斷港衷迴又夕陽

濟寧遇周仲瞻黃門夜酌

夜刻知傳第幾籌誰賓誰主兩淹留雄談祗覺風生席
爛醉偏憐月在舟客路西東分濟水離歌長短奏涼州
酒中無復驚人句愧見城南太白樓

望闕里作

尼山東下鬱蒼蒼去路都無百里長何日禮容陳俎豆
一宵清夢繞宮牆孔林豈用堪輿說周典應多掌故藏
心口自慙還自語進修何日敢升堂

聞重修孔廟東石憲副

禮殿輝煌照寢園隆師一代仰宸尊再從海嶽開形勝
誰向圖書識道原文獻不須徵杞宋規摹從此陋金元
提刑石介人爭羨獨著賢勞滿聖門

寄衍聖公昆弟

不見王孫已數年，每過東甌即茫然。
蕭散自幸陪雙玉，葩藻還能值幾錢。
良夜有情應下榻，薰風無計可停船。
魚箋一尺憑誰送，濟水東流月漸圓。

偶成

船窗徙倚見殘陽，帆影垂流印一方。
五月畏途心不惱，喜看隨處麥登場。

劉阮遇仙圖為提督河道楊克敏通政賦

眼中風景非塵寰，熟視毋乃天台山。
迥然仙境與世絕，

斷崖無罅愁躋攀瀑水千尋灑寒雪危峯十二浮烟鬟
野渡南通赤城道石橋下鎖清溪灣沉沉一洞截山口
恐是天造蓬萊關深行入洞凡幾里雞犬聲喧白雲裏
濁水清塵此地分珠宮貝闕中天起芝耳曾聞商調悲
松顏不受秦封耻澗邊夾路記行蹤亂插桃花傍流水
西天不教化人城萬片飛霞散晴綺洞中美人冰雪容
星冠玉珮驚游龍長者為姊弱為妹臨風宛若雙芙蓉
未識人間有伉儷但覺世外無春冬端居不吟芍藥句

蛾眉肯蹙蓮花峰三生有客緣未了不期而遇真奇逢
鴈蕩山頭日西沒采藥迷途意荒忽珍禽逸響來續紛
瑤草幽香散蓬勃客子由來阮與劉一一平生有仙骨
丹室原稱蛇女家藍橋即是神仙窟雙壁相携歸洞房
紫衣小隊侍兩旁霓旌翠葆總生色鸞簫鼉鼓紛成行
供炊擬作胡麻飯合盃先進崑崙觴鮫綃文席琥珀枕
百歲寧憂春夜長天潢牛女漫睽隔巫山雲雨何荒唐
流年忽忽如奔電偶在山中憶鄉縣請從此別去還來

却對桃花重開宴仙凡便覺兩悠悠未盡離觴淚如霰
一去如同澗下流重來事異梁間燕輕狂柳絮非妾心
珍重蒲花似郎面銅燭半銷雲母屏琅函未啟黃庭經
鳳笙絕響緱山黑瑤瑟斷絃湘水青玄猿長嘯白鶴舞
蒼天赤日空巖扃豈知二客一分手身如夢蝶愁難醒
世移物換幾塵劫桑田海水雙浮萍春來再理登山屐
藥裏行裝感疇昔人非物是心茫然小桃花紅水空碧
耳畔疑聞杵臼聲道傍只見豺狼迹風鬟霧鬢今有無

恐在山頭化為石此身未老將何從紫府瑤臺繆通籍
人生有合還有離仙猶未免將奚為山經地志或偶爾
見者何人傳者誰長生久視本絕欲誨淫野合能無欺
赤豹凌風說山鬼白狐拜斗成妖姬危哉二客幸不死
奇逢堪喜還堪悲錦衣郎君內供奉一紙風流百金重
鵝溪新絹寫此圖把玩精神欲飛動銀臺勅使偶得之
坐見丹青照梁棟款予頻挽木蘭舟催詩旋發蒲萄甕
安得人如宋玉才為君一賦桃源洞

臨清飲提督兵備潘廷璽憲副家

倚棹清源日未中
舊游談笑偶然同
興來已盡三升酒
醉裏還開一石弓
為樂都忘賓共主
留人無奈雨兼風
醒時始覺歸時晚
漏下船窗燭影紅

飲王氏園亭

艤舟三日厭塵煩
步入王家百畝園
多少風光生眼底
恨無佳什滿幽軒

雞犬深深曲逕通
意行何必問西東
井亭楊柳交加處

木槿花開一樹紅

雨後平沙不受塵偶來忘却宦遊身過江三月昏昏醉
忽見新篁似故人

穀苗深秀菜根肥露氣涼生白苧衣珍重主人留客晚
隔牆燈火映船扉

贈臨清劉克莊孝子

賈肆歌樓日夜忙清源佳麗比蘇杭道旁綽楔金書字
驚見劉家孝子坊

故城見致政馬太守先生

給事中
錫之父

前輩風流十載聞登堂今喜沐清芬
夜談往事徐呼酒
老愛新知屢示文
林壑有緣供杖屨
朝廷何日下玄纁
順流雙槳明朝別
無限情隨燭影分

衛水灣灣翠繞廬
如雲喬木蔭庭除
白眉久待雙龍闕
黃髮高懸五馬車
桑梓百年恭敬日
萍蓬千里笑談餘
薰風擬入長安道
先為家人報起居

滄州遇張用光通守題便面贈之

相逢草草別匆匆無限交情一握中
千里暫應分皓月一方還為起清風

題碧桃翠竹便面贈妹壻趙瑛千戶

仙葩和露掌中開天上靈根異種栽
只見清風堪結好渭川分取一枝來

青縣遇漕運王瑾都閫自云宣城人甚有桑梓之念

樓船同住水西涯一見知公是將家
解贈不須歐冶劍

論交頻煮越州茶山東幕府名初上河內軍儲帝汝嘉
聞說有懷榮畫錦敬亭山色待高牙

題唐馬

青青苜蓿長初齋十二天閑望不迷楊柳一株沙苑道
奚官來試驕霜蹄

弟敏德在新安嘗作折枝海榴過河間從弟敏
聰見而說之遂題一絕與之

香實垂垂帶露滋丹青摹出壓欄枝江南江北花相似

白日看雲一賦詩

贈天津呂昂揮使

百雉高城虎豹屯將軍初識呂虔孫
帆檣影匝河邊路刁斗聲連海上村
青鏡年華應自惜錦囊兵法共誰論
他時不忘相逢處驛舍迎人柳拂門

到京寄漕運平江總戎

賓客淮陽盛一時偶隨行樂倒瓊卮
投壺不廢軍中禮橫槊何慚馬上詩
沙柳綠完元帥府水香花滿令公祠

南風忽倚都門棹憑仗雙魚慰所思

寄浙江閻文振方伯李若虛憲副諸公

萍水重逢各壯顏相留十日共乘閒
飲餘浙市新陳酒閱遍吳城表裏山
遠意笑談頻入夢久慙供奉乍歸班
江湖廊廟心猶在敢廁諸公伯仲間

寄揚州楊成玉太守鮑栗之同知

后土祠前約看花北來寺口醉呼茶
別時已隔路千里夢覺長驚天一涯
大府衣冠渾得意上京炊爨乍成家

題詩無限停雲意南國西風鴈影斜

與趙通政竹溪先生過定西大總戎筠清軒夜

酌聯句

時六月廿五日

侯門開燕夜如何

克勤

燈下藏閣聽雅歌

竹溪

交錯觥

觴情自洽

總戎

倡酬詩句樂偏多

竹溪

不妨歸騎將衝

雨

克勤

共惜流鳥似擲梭

總戎

有約重來續清賞

竹溪

萬竿脩竹正婆娑

克勤

七月朔時享陪祀太廟聽傳制遣祭歷代帝王

陵陰雨陡晴詩以志喜

劍珮鏘鏘得步從君王仁孝此忻逢
簫韶迭奏終三獻
玉帛將誠下九重
朝祭一時交換服起居今夕兩聞鐘
無端風雨成新霽天日光華仰聖容

指揮家叔將歸七夕約李士敬昆仲同餞

半夜西風挾雨長
曉來庭院得新涼
正看織女嫁河鼓
况復行人辭帝鄉
一曲離歌雜燕趙
幾年骨肉似參商
二難有約不相負
預洗金荷打酒嘗

壽英國公母夫人

上公名爵冠勲賢阿母高堂啓壽筵黃菊才過重九節
朱顏將及古稀年誥封極品恩如海曲度長生酒似泉
晚福定期增鶴算蓬萊他日看桑田

謝周草庭都尉惠酒時值戒飲

春滿宮壺帶露菊故人分贈若為酌正當止酒詩成處
兩斛明珠惜暗投

分得言字送盧廷佐大參赴湖廣

閶闔門前喜拜恩
玉河橋畔送離尊
舊時賓客多星散
此際衣冠獨鳳騫
鍾阜雲開瞻日表
楚江霜落見潮來
東南民物應何似
大省寧無贊一言

成化癸卯冬至謁陵與李賓之學士聯句二十首

賓之約德勝關土城寺候同行予誤出安定
關土城過道赴約

策馬西來問路頻

程

出城東望正懷人
先聲喜逐前呵

至

李

負約幾成左顧嗔孤堦影遲寒度日

程

斷溪水合

遠迷津他年記取同遊事

李

語柄長堪寄一頓

程

清河會費廷言司業

故人相約會清河

程

短日羸驂奈遠何慰藉共逢辛苦

地

李

笑談聊續短長歌野翁愛客能分火

程

戍客還家

正擁戈舉目關山驚歲晚

李

舊遊那復向時多

程

沙河道中大風

掩地顛風作暮寒

李

亂雲羈思兩漫漫沙飛屢卻行人

步

程

大冷誰供逆旅餐豈有賢勞裨國事

李

最慙多病

負儒冠停驂小憩斜陽裏

程

莫問前頭道路難

李

宿昌平新城劉諫議祠下兼懷鏡川楊翰長

五年重宿此齋居

程

往事分明一感予坐久青氈回夜

暖

李

話殘紅燭到更餘中堂諫議迎新主

程

西郭耆民

指故墟因憶舊遊楊翰長

李

摩挲三誦壁間書

程

劉諫議祠舊在學東談本彞府尹移奉于此

諫議高名此地存

李

一斟寒渌奠忠魂憂時有策堪垂

涕

程

泚額何人是負恩京府載修新棟宇

李

廟庭遙隔

舊牆垣如公千載還生氣

程

半夜驚風正到門

李

不寐有懷廷言司業時屠朝宗都憲遣人相

聞約同行

烟火沉沉夜對床

李

山城寒漏覺偏長詩脾欲困頻呼

茗

程

旅夢初回更換香司業館深誰共宿

李

中丞臺遠

漫相望隔窗明月窺人處

程

猶似前宵在玉堂

李

將發

百年世世幾同袍

程

此日追趨愛我曹殘話半從幽夢

續李壯心寧覺畏途勞

雞聲遠舍催明發

程

虎旅連城

散夜橐北望寢園三十里

李

齋廬還枕碧山高

程

早發暫過守備杜都閫

夜風吹盡曉晴新

李

城上青山欲近人暫訪元戎回馬

首

程

遠追司業認車塵岡巒宛轉隨雙眺官衛參差記

六巡擬向穹碑觀聖制

程

道旁先望石麒麟

李

道中

山郊回望永安城

程

白石黃沙舊路平
樹老空山無落

葉

李

泉通幽磴有餘聲
明樓突兀中天見

程

神道逶迤

上界行下馬紅門分徑入

李

四陵雲氣正縱橫

程

齋所

襆被來尋舊直廬

程

石門斜映小窗虛
行厨午報新炊

熟

李

別院寒分半榻居
對景忽疑山入座

程

引流常憶

水通渠小臣正切遺弓念

李

寢樹風生夕照餘

程

相贈

時與黃尚矩
侍讀同宿

玉署春坊本舊隣

李

眼中誰主復誰賓論文共剪齋堂

燭

程

助祭同趨輦路塵歲月催人成老大

李

交游屈指

半新陳松筠晚節期相保

程

情話惟應此最真

李

晚眺

冒險尋幽興亦奇

李

空林蕭颯凍雲垂草中虎窞深難

覺

程

山下龍池遠莫窺萬里乾坤容著眼

李

一川風月

解供詩攬衣欲下愁荊棘

程

賴有乘高力未疲

李

夜坐

不眠相對擁寒爐

程

自起開門問僕夫城角斗杓曾轉

未

李

殿頭風鐸有聲無齋心耿耿懸孤月

程

鄉思迢迢

隔五湖清話恐貪今夜永

李

呼燈無惜効先趨

程

恭詣長陵景陵行禮

寢殿門深夜未開

李

磬聲遙自月中來千官鵠立供牲

幣

程

九地龍光徹斗台人語不聞山更靜

李

靈風欲動

仗初回

李

一宵兩度陪禋祀

程

還憶君王萬壽杯

李

下陵

車從紛馳出亂山

程

月明燈影有無間松林側過金猊

帽

李

馬首低回半脫銀隔路幾人呼伴侶

程

隨班十載

愧容顏孤城尚有淹留地

李

舊榻殘燈正候關

程

飲杜山守備宅

乃先公舊部曲

七年旌節駐山城

程

曾見官曹說姓名酒出佳醅緣愛

客

李

劍傳奇術為談兵四陵宿衛嚴宵警

程

千頃屯田

足歲畊試問尚書門下士

李

征南勛業幾人成

程

至日歸途有作

驛路晴風不著人

程

仲冬天氣早回春寒輕頗覺貂裘

重

李

沙軟何勞馬策頻吾道漸從今日長

程

官曹常與

故交親清時令節多休暇

李

歸引壺觴正及辰

程

遊清河惠應寺

金銀樓閣倚晴空

李

幾日新城此梵宮同拂衣塵聊駐

馬

程

擬呼尊酒便開筵山僧見面如相識

李

詞客叅禪

也自通撫事臨風三嘆息

程

一杯茶話正匆匆

李

望闕

城觀巍巍入望深

程

五雲長遶閭山岑廬蹤暫隔仙凡

境

李

末吏叨陪翰墨林池上衣冠應候我

程

道旁車馬

亦關心休言日共長安遠

李

已覺天威下照臨

程

入城

市橋烟火路東西

李

咫尺門牆望不迷歸計從容堪作

例

程

別懷匆卒更留題還家共有平安慰

李

行李惟多

卷冊携與子竟成三宿契

程

向來無地不同躋

李

四瑩為林侍御貴實賦

寶澗西原

侍御之祖諱英武選員外郎葬穀城山不吉後三十年侍御奉遷于此

此與其龍門

故居相望

淒迷穀城山下有土一抔昔在選部君冠裳此淹留山
靈苦未協來往空神遊荏苒三十載改奠西原丘龍門
聳喬木寶澗縈清流體魄安自今蒼龜復何求慎終美
孫子正不慚弓裘

象峯東麓

侍御之父諱輝舉進士卒時侍御始生十八日

才宴曲江池遄歸象峯麓青春來未已白日去何速當

時乳下兒襁抱未勝哭居然跨竈子多繡光一族歸來
今幾時牛眠撫前卜恩綸被宿莽祿養悲風木應刻太
史銘千年照林谷

鳳山北隴

侍御之母太孺人吳氏葬
此卒時侍御方謝病家居

有山甫之野勢如鳳孤騫山背得佳處林堦開新墻
昔無恙時兒方居憲垣當其委化日兒正歸鄉園慈孝
而無憾哀榮一何言人勝境逾勝歲歲來分牘青松與
丹荔翁鬱鬱迷高原

塗嶺南窩

侍御壽
藏在焉

嶺雲何悠悠嶺木未盈握踞嶺盤生瑩茲見亦超卓君
誠達者歟所抱非曲學忠言動疏冕勁氣排山嶽紛紛
塵海中如夢若不覺沉疴今告痊壯志未摧剝何當樂
斯丘更歷千晦朔

送陳推府南歸

推府嘉禾陳君明遇奉表禮成南歸適予以冬至
日陪祀山陵同日辭朝不能奉送口占此以見別

意

萬歲聲中奏禮成一陽生處數歸程恩沾上國如春育
路下中原似掌平朔氣侵車憑酒遣寒風吹木助詩鳴
蹇予亦作朝陵使望別難勝此日情

寄平江總戎二絕

出門終日犯塵喧致主無才愧掖垣忽遇北風淮上鴈
不勝清思繞東園

清口沙頭一棹停當時賓主最忘形別來水石瀟瀟處

聞說新開四美亭

題武侯令伯忠孝二圖

兩雛剛幸免萬古此真才誰道匡時策非從靜學來
至性通天地遺容尚動人獨憐圖報者曾是漢廷臣

送劉職方時雍赴福建參政巡視海道

三冬北風無寸雪有客驅車向閩粵曉辭丹陛發行裝
舉頭尚見都門月君在職方今幾秋邊功不喜談封侯
金緋赫然本公論此心久抱蒼生憂海道平時置官守

萬里鯨波駿奔走內修外攘君所諳好遣畊桑罷可斗
長河南去冰未融一尊相屬離亭東行哉官況亦不惡
荔枝滿樹狼烟空

舊春齋居聞諸君子用東坡韻有作甚盛今冬
祈雪僕方至自江南預宿此房附驥一首錄
呈寅長鼎儀

齋居無塵足清暇明月滿城如雪夜情知露禱聖心勞
對榻不眠聽漏下火冷初驚沉末滅杯香已覺松濤瀉

諸公玉山相照人著我蕭葭豈流亞年華忍與雙轂爭
時政誰當一籌借愁聞飢鼠去復來屢見燈花結還謝
蕭蕭樹影欲過牆隱隱碁聲疑隔舍詩盟且喜隨孟韓
世態何須問茶蔗莫虞久坐吏人苦曾發高歌山鬼怕
前身疑是刁斗公不直一錢從怒罵

題扇贈馮盛時貢士

三十年來研席同一尊才見又西東看花有待重來日
預買都城十丈紅

送馮憲副佩之提學江西

久在秋曹熟教刑故宜持節下傳經
孔門化澤春分雨商序文光夜
矚星蓮社情多留別句憲臺官重
省心銘西江雅望君無負腰帶橫
金兩鬢青

輓謝太守士元母

白箬山隱隱白箬水泔泔一杯松下
土重是恭人墳恭人陳氏姬長作
謝家婦厭彼時俗妝佐此東山父
謝庭本餘慶蘭玉生何蕃中挺一
枝秀色映堦墀萱異產不

凡材國香動天子鼎食來黃堂恩綸下丹宸方期冰雪
操晚共慈竹長那知顯揚地遽成草木場閭閻多清風
人生一流電名附有道碑事可列女傳不見白箬阡為
歌白箬篇寒雲起閩嶠遊子應潸然

題汪廷器畫牛圖

西疇耕遍已春深氣力應憐兩未禁豐草長林幸無事
區區相角是何心

篁墩文集卷七十三

欽定四庫全書

篁墩文集卷七十四

明程敏政撰

詩

元旦早朝

共上履端慶追陪鵷鷺行
寅賓趨玉陛平旦下青坊
四十行年始消埃報日長
無聞知不免慙愧授經郎

聽詔

交修傳有勅擁陛正冠襟
仁出天心愛愛垂聖慮深
三

言移分野六事禱桑林耆俊充庭在嘉謀儻自今

金縷曲月正元日壽董都督

喜遇元正節想會合貞元挺生材傑曾仗雕戈提虎旅
蕩掃狼烟灰滅問舊將誰優誰劣七十年來勲業遂置
陰符却訪還丹訣慶初度華筵設蕭蕭兩鬢飛晴雪
看膝前桂枝秀穎蘭芽香茁冠蓋盈庭絲管沸銀甕椒
花酒冽更休問烏圓兔缺但祝年年春不老比喬松晚
翠根盤鐵奏一調長生闋

齋夜與汪伯諧庶子陸鼎儀張啟昭諭德聯句

月轉西簷夜向深

汪

幾回思卧更看參天清輦道遙聞

柝

陸

火冷齋廬半擁衾有制共嚴三日戒

程

受釐應荅

九重心坐來無事頻呼茗

張

懷抱都忘俗慮侵

汪

閉門春夜燭花偏

陸

對擁寒爐久未眠沉水旋添銷刻

漏

程

綵毫頻染動雲烟天連御苑鐘初盡

張

露下仙臺

月尚懸侍立小童渾不厭

汪

晚來衣薄坐相憐

陸

旅夕相看第幾回

程

斯文尚誼許追陪兩坊燈火還連

榻

張

三榜才名舊擢魁茶話頗淹公宿意

汪

坐眠時遣

吏人猜書生事業猶如故

陸

耿耿丹心獨未灰

程

呼童試問夜如何

張

月落參橫四鼓過寒氣逼人衣漸

薄

汪

春愁泥客夢還多南郊大禮憑誰賦

陸

東閣官梅

許共哦候吏已聞催曉近

程

便思冠履上鑾坡

張

南郊陪祀與鼎儀同宿史道士房聯句四首

翠竹娟娟小洞天

陸

道人相候寸心虔新茶屢供青霄

畔

程

舊檢閒開白日前丹竈幾回封絳雪

陸

薰爐一炷

起青烟明年有約還分榻

程

來向洪厓更拍肩

陸

右齋居

并下三首
皆借古韻

夜下仙壇雪滿天

程

萬人精享助皇虔衣冠遠近煮蒿

裏

陸

玉帛參差縹緲前假寐暗銷清漏水

程

洗心遙奉

紫檀烟旂常動處微風起

陸

引望諸曹接項肩

程

右迎鑾

雪浪沄沄遠接天

陸

化工呈瑞報精虔聯翩佩影宮門

外

程

赫奕軍容燎火前萬馬不嘶懸夜月

陸

六龍初駕

擁春烟禮成誰奏南郊頌

程

給札應須付兩肩

陸

右陪祀

雪後春陽便放晴

程

萬人懽喜慶郊成歸來兩騎河堤

遠

陸

望裏雙龍絳闕明倉卒到城聞晝漏

程

從容還舍

整朝纓回思夜榻曾同夢

陸

咫尺丹房逼太清

程

右入城有懷

慶成宴後有作

郊宴分行仰聖顏暖風韶樂五雲間賢豪屢見新前席

蹇劣宜歸舊從班觴飲帝教霑醉出簪花人羨戴春還
常饗尚食曾何益駑馬空陪十二閑

上元日與林諭德亨大商懋衡李世賢二侍講
餞同年陸叙州克深考績西還聯句十首

六年兩覲一尊同

淵之

簪盍今看笑語中

良臣

盈缺共

憐天上月

敏政

分飛翻恨雪邊風

傑

雷陳膠漆心長在

瀚

李杜文章思不窮

淵之

悵別那堪還話別

良臣

春雲

撩恨滿城東

敏政

數載睽違此日逢

良臣

夜堂燈火笑萍蹤

敏政

名途共

幸身强健

傑

大郡爭誇衆景從

瀚

秉燭意長春漏短

淵

之離樽香淡別情濃

良臣

吟餘忽上西檐月

敏政

相對

愁聽紫禁鐘

傑

去住相看作上元

敏政

交情不改舊詞垣

傑

金蓮影動

笙歌沸

瀚

紫陌塵空車馬喧

淵之

樽酒流連忘夜永

良

臣衣裘疏散覺春暄

敏政

河橋豫惜明朝別

傑

細柳東

風蜀道轅

瀚

久別相逢似夢中

傑

曲江年少最英雄

瀚

流光荏苒將

頭白

淵之

朋酒逡巡未頰紅

良臣

地隔南川時望斗

敏

政

氣凌七澤擬噓虹

傑

人生良會應無幾

瀚

晚節冰霜

此意同

淵之

宴罷瓊林十九春

瀚

東西南北故情新

淵之

玉堂雅集

今如昨

良臣

皂蓋清風獨勝人

敏政

剪燭肯孤良夜賞

傑

賡歌直遣壯懷伸

瀚

鳳毛麟角真相許

淵之

況際風

雲慶會辰

良臣

月明風靜主心懽

淵之

春溢宮壺夜不寒

漸

深巷燭光

星共爛

傑

小庭塵淨雪初殘

敏政

帝城已縱金吾令

良

臣

客子羞歌蜀道難

淵之

此景不妨停五馬

漸

解襟岸

幘共盤桓

傑

金爐銀燭共燈宵

漸

佳會寧煩折簡招

傑

酒潑凍醅春

尚淺

敏政

星隨寒漏夜方遙

良臣

十年萍海雖多事

淵

之萬里雲山會一朝

漸

欲繫場駒恨無計

傑

出城車馬

已蕭蕭

敏政

文翁佳政見重施

傑

聞說懷賢更有祠

敏政

錦里好山

題欲遍

良臣

玉堂高韻押偏遲

淵之

金蘭氣味忘賓主

瀚

冰雪襟懷邁等夷

傑

不久朱轡應赴召

敏政

使君清

譽已交馳

良臣

遠別情隨夜漏深

敏政

驪駒歌罷似難禁

良臣

故人藥

石能投我

淵之

何處瘡痕最苦心

瀚

入蜀杜陵詩益壯

傑

賦梁枚乘病多侵

敏政

彤襜明日辭金闕

良臣

濟旱

須為四海霖

瀚

誰從元夕啓離筵

良臣

同榜交游自往年

淵之

握手謾

論川外事

瀚

回燈重和郢中篇

傑

情貪坐久銷香篆

敏

政心怨離多涸酒泉

良臣

江海去年今夜月

淵之

夢魂

曾繞玉京天

瀚

題四馬圖

花柳繁陰翠作堆
人間驚見兩龍媒
低頭顧影無窮意
髣髴彤庭立仗回

玉關初未解秋防
苜蓿春深綠更長
好遣霜蹄空冀北

未容歸老華山陽

駿骨千金未足論
並遊來試碧沄沄
夢魂不到長城窟
須識天閑雨露恩

涼風簌簌動拳毛
入眼驪黃價並高
未脫鹽車充上乘
當時誰作九方臯

詩例奉送倪學士舜咨清明謁陵之行

今年分祀園陵下
問柳尋芳亦羨渠
徃日濫陪軒蓋後

冒寒衝暑最憐予

春坊惟冬至
上元陪祀

青山見客無生熟
白馬

隨春共疾徐諫議廟前來去路感時應復到吟餘

送侍御孫公出按南畿用同年戴以德詩韻

旗亭白日酒三巡送客乘輶下紫宸闕下有名思缺漢
江南無地著錢神月隨方寸光華滿霜與平生節操均
入覲相期應隔歲皂囊風采定驚人

肅肅前騶擁徼巡煌煌憲節下嚴宸威風早已摧山岳
哀赤何須誓鬼神一道冤聲應盡雪七州民力待重均
知公不負江南望曾是循良第幾人

一年寒暑又逡巡慙愧無才却奉宸星鳳北來初識面
松楸南望獨傷神同朝謾托衣冠後隣縣遙聞道里均
濁酒易銷情莫盡畫船秋水看離人

送許國用南歸

許君國用自錢塘來新安嘗從于紫陽山水間甚
樂予既赴京師國用亦附漕運劉使君舟北上舟
相值于謝溝而相失為之悵然抵京久之始獲握
手相叙而國用又促裝歸矣國用年甚少性甚慧

喜問學善書史劉使君每自新安入京必請與俱
然則明春相見蓋可必也國用間出其汗漫遊卷
索予題因賦歌行一首為後會張本云

子鬢如鴉面如玉曾次蕭然絕塵俗沿身書劍從一童
到處江山寄雙足前年六月離錢塘隨我驅車遊紫陽
高歌花外雜山雨爛醉松陰眠石床及時行樂人爭羨
却買扁舟下江縣我前子後差幾程吳楚風光閱將遍
偃王墓前春草明謝溝閣下春潮生何人訪戴有餘恨

才子依劉無限情我行到闕隨鷓侶半月秋風送殘暑
升堂再拜塵滿衣知子來從潞河渚西山雲擁金芙蓉
玉泉水香流白虹垂楊綰客客不住行裝又出東城東
男子當懷四方志賢達分明眼前事燕臺千尺北鴻飛
送子令人發豪思蹇予浪說瀛洲仙近來稍結山中緣
紅塵再入髮將白更暖鷗盟知幾年嗣歲春分酒初熟
西齋掃榻留人宿子當高誦逍遙篇為君重添卧遊錄
題畫贈劉揮使還新安

十道江淮轉運難
指麾能事說新安
年年有約懽相見
席上離歌不用彈

蒼山老木礪聲長
入眼分明似故鄉
把酒贈君東郭路
不堪心逐鴈南翔

中元送蔡樊二都尉謁陵用草庭都尉韻

都城初過雨輦道淨無塵
香帛供原廟金貂遣懿親
風隨行李健景入畫圖真
驛次馳應慣齋居跡未陳
炎光浮野黍涼思發溪蘋
蔡澤心何壯樊宏性更醇
詩才兼

雅麗交味謝甘辛山郭花藏市沙橋樹隔津碑亭園異
扇神路截嶙峋談麈揮霜尾吟鞍壓繡茵不辭當旅夕
深幸際佳辰劍佩超雙闕笙歌奠八珍威靈瞻鳳馭生
氣協鴻鈞禮磬聲敲玉宮壺水滴銀忽傳收燎火早見
徹嚴禋北斗光芒正中元節候新斷雲開曉月殘露下
秋旻歲事同乘馬歸裝或駕輪節旄山鳥避軒蓋路人
馴去說賢勞共來看帝命申金蘭忘異姓玉樹羨同倫
欲訂西園約朱門逼禁宸

送元真觀徐本道士遊武當

屢到元君觀裏行
僻居瀟灑愛徐生
花當戶外朱英爛
瓜出牆頭紫蔓縈
曉露研硃看篆字
午風敲玉認磬聲
無端又逐衡陽鴈
丹竈歸時幾轉成

寄宋民表同知

德政猶傳內翰名
又煩才子福山城
風前玉樹材偏雋
雪後青松節更明
遺老望塵驚自慰
好山隨路解相迎
無由縮地論今昔
憑仗南鴻一寄聲

送程智南歸

兩程夫子之先實徽之休寧人一遷中山再遷河
南見於歐陽公碑銘胡雲峯祀記可考也今提學
侍御婁公及令君歐陽公復興其祠于學宮并一
新遺愛鄉賢二祠遣縣從事程智馳奏于朝禮部
上請得列祀典鄉邦增重伊始自今而予於茲舉
慨想先烈倡之贊之蓋嘗兩致其力也予視智為
族姪孫言歸之際特記祠事首末四十八句為智

行李之贈噫智亦何幸署名於兩夫子奏牘之尾
上聞九重而下託之以不朽哉

恭惟兩大賢命世出嵩洛上焉繼往聖下焉啟來學侑
食大成殿專祀中山區俎豆無終窮道化與之俱眷此
海寧鄉先世所自出舊廟莽不存過者愧儒術憲臣秉
學政令尹司化權坐協師生議要使人文宣一函走言
狀宗伯告天子闕典許再興偉觀自今始豈無古循吏
亦有先達尊巍巍企德堂同此入道門嗟我本末齋慙

通恒惻惻六一碑可尋雲峯記重勒入奏者誰子家住
山斗村呼我大父行等是嵩洛孫俯伏天九重奔走路
千里盛舉忽告成相看動容喜秋潮沒津渡落葉飄井
床贈子一樽酒解劍城東坊南望浙江源正過黉宮下
所期道脉長增重枌榆社子歸應幾日為我謝諸公勉
旃崇令德無負新民功

送黃世瑞南歸

予與世瑞友厚善非一日於其歸也情長句短不

足以盡因輒賦此情見詞中不復贅言也

古林黃子江南來矮屋借住都城隈平生抱玉肯輕售
歛容不上黃金臺旅況從教白日速壯觀喜覩青天開
西風一夜發歸思遙天北鴈聲相催徃來何啻萬餘里
非名非利胡為哉當時拂衣避文禍歷江過浙愁嫌猜
栖栖汝穎十年久故園風雨荒田萊謗者飄零恚者死
猶欲手障狂瀾回兩淮饑饉苦連歲津征太峻人相哀
袖書上白天子使正色那顧羣聲訴家傳世牒自江夏

兵燹之後隨飛灰辛勤重編幾易稿收拾袒免聯功績
邇來乃欲妄推我分明硃墨求刪裁後先跋涉本為此
愈見精力忘顛顛高人出處誠有道餘子瑣瑣安能陪
空齋露下客衣薄亭臯葉落紛成堆客行去矣不可挽
蒲帆十幅懸高桅憶昔訪子五城渡驅車不憚青崔嵬
子家後園有意趣深藏一徑生莓苔掃雲坐我松室下
文章滿架千瓊瑰或如新綺織霞蜨或如古鼎鑄雲雷
指揮神鬼如束縛剖析義利分條枚留談終日坐忘倦

澹然欲去還徘徊今思此會豈易得官途擾擾衝黃埃
白雲先隴恒在望誦詩不忍歌南垓兩宮勸講無才補
一身竊祿慙非才荒莊隔子五十里清溪上下相縈洄
千章老木有嘉蔭一林翠竹生新胎方塘活水如鏡淨
柳枝潏潏穿魚腮興來擬結白蓮社新知舊學交相培
國恩未報尚留戀飲子欲傾三百盃江南江北若庭戶
太平岐路非邛峽相期有約定何日無忘折寄山中梅
中秋士欽相邀不赴次韻

來往詩筒劇鳳梭一秋佳宴好經過相期却負故人甚
不飲真如良夜何竊祿敢思寬禁直承顏聊欲慰奔波
他時有月皆堪賞少待彤庭奏凱歌

慶趙竹溪先生子登科兼有弄璋之喜

鵲聲頻送喜佳氣集高門桂籍初登子蘭階更得孫極
知天有意誰謂善無根多少歸田樂相期頌達尊

送孝陵衛致政千戶覃士英南還

舊遊蹤跡半相疎喜見多君忽過予命駕誰期千里外

開尊今是十年餘
鍾山紫氣藏弓久
幕府清風解印初
明日不堪還送別
西風黃葉繞離車

段夫人壽詩

今年繫纜交河濱
升堂再拜尊夫人
蕭蕭鶴髮動容喜
賤子舊是同鄉親
夫人七十近初度
貴壻無由展情素
符臺遍索長生篇
況我年來夙欽慕
華筵濟濟風日晴
雜遝賀賓羅綺明
極知滄瀛有仙醞
况乃燕趙多新聲
兒郎鶚薦名伊始
肯墜先公舊金紫
更期努力慰慈顏

歲歲相從祝蕃祉

與倪舜咨董尚規李士欽聯句一首送太子少

保保國朱公北征

大將提兵下漢庭

程

光生千里震雷霆

倪

旄頭夜落塵

氛淨

董

豹尾秋屯殺氣腥

李

邊徼豈能當廟筭

程

山川

應合助王靈

倪

功成擬勒燕然石

董

漢史無勞數衛青

李

送周儀賓入慶歸藩

入覲年來第幾番金緋光彩又南轅府僚北闕隨稱壽
帝子東都久奉藩千里關山忘跋涉一冬天氣足寒暄
坐憐親戚無堪贈傾倒奚囊與贈言

奉和致政令君洛陽周公見寄韻

公為先師文
達公夫人之

弟儀賓
其子也

詩筒千里寄佳聲賤子疎慵合負荆喜色劇增東上閣
清風如對洛陽城忘機定與羣鷗狎寄遠時聽一鴈鳴
光霽無由堪進謁草窗新綠幾回生

送敏聰弟還河間

疋馬來衝九月霜
路人知是白眉郎
相逢南北今三載
不覺昂藏共我長

書巢如斗畫堂東
日日相煨夜火紅
多少舊懷談不盡
鴈聲時度月明中

好是江南載酒來
一尊須待季方開
吾家手足情偏厚
不數當年七步才

官邸連床僅月餘
冷官長愧食無魚
臨岐可有黃金贈

贈爾芸香一擔書

金沙岡上大夫墳與爾同原一派分蒼檜白楊須愛護
碑亭中刻御書文

我已行年四十初宦情人事兩迂踈故人親戚多英俊
怪底曾無一字書

問津圖

聖心與天同憫此世道阨周流寰宇間所遇恒不獲駕
言入蔡境又復離楚澤驅車莽何之一水漫相隔遙遙

風浪驚隱隱岐路迫田中偶耕者矯若雲際翮願從一
問途胡不見指畫由來避世人浪笑遠行客孰知帝降
衷本負天下責隱顯亦何心士貴識所擇茲事已千載
悠悠想風格喬木入望青寒日照川白景物餘畫圖得
失著簡策再拜先師容摩挲古轅軌欲賦問津篇撫卷
空嘖嘖

送過副使太璞進表禮成還江西

曉日牙緋下九天離亭相對朔風前來朝共上南山祝

去路回瞻北斗懸客裏杯長頻駐馬道中波暖更乘船
寒梅古柏西江署屈指風光又隔年

朝陵歲例同寅必有贈行詩以倡和為禮今次
獨無知我不工於此也往來三宿皆天日晴
暖詩景滿前竟不能措一辭誠如諸公所料
行館早起漫成一律志媿然繼來者免我引
玉之勞又不能不自幸也

故人憐我乏詩才斷遣吟筒第一回林壑獻嘲從此始

風花乘興待誰來
鶯宮地僻紅塵少
寢路霜晴白日開
只有青山知客意
嗒然相對兩悠哉

次韻奉送少宰王廷貴先生還莅南京

澤國芙蓉照水新
祖筵遙對夕陽津
久期北闕司綸綍
還向南都領縉紳
千里盈虧頻看月
一番離合幾經春
赤心不共江湖遠
側耳嘉謨贊一人

舊臣南去寵光新
熟路寧勞復問津
三品奏功初賜誥
六堂承學久書紳
行邊菊色聊經晚
到日梅花漸及春

欲倚渭城歌未得才情深愧郢中人

題畫為鄭府典寶淳安應君賦兼寄別意

白鴈悠悠水滿塘柳陰蘆葉似人長
拂圖髣髴清溪上斜日漁村駐野航

王門無事足幽探為賦新圖句不堪
莫聽鴈聲思故里筒中盤谷似江南

送太學生洛陽陳瑀司訓郿縣

君本洛陽人去教關西士巖巖百世師
肅肅橫渠子當

時受程學著述存聖軌故宅今何如寂寞俯寒水行哉
學干祿知爾非得已華山雖萬仞後進宜仰止書緒定
性篇銘揭砭愚旨庶幾坐皐比不以道為市豈無鄙之
人一二解臧否平時勉旃意新句已盈紙君有仕優名
予無失言耻

送三原王天錫赴南京右府都事

天錫今南京
叅贊大司馬

先生
之子

幕府巍巍逼上台都人常望諫書來江東不用誇王導

分陝而今得異才

虎旅分屯建業城鳳毛承寵署新名陰功自出三槐後
贏得家聲播兩京

捧檄南行得奉親君王真念老成人江魚竹筍承歡處
無限丹心拱北辰

萬仭鍾山入望高官閒寧復簿書勞傳家見說惟詩禮
不用登壇受六韜

送貴溪宗人淳赴汀州司副

相湖分派入程源幾葉兒孫秀更蕃喜見青氈重出色

何須高蓋與華軒

自新安相湖往
居貴溪程源

百丈山前道一堂秋來草樹未全荒傳家正學依然在

一脈還應到粵鄉

淳之先所居百丈岩有宋
月岩先生嘗建道一書院

汀郡棠陰有去思汀庠人說舊經師此行擬續題名記

教養分明盛一時

吾宗槐塘克和嘗同知汀
郡漢口天爵嘗司訓汀庠

離合紛紛幾歲華客中辛苦又移家京城咫尺無由別

孤負清尊對菊花

吾方有卜築
之勞故云

壽喻君夫婦

喻君西江彦美譽發蘭芷白首閨中人和音協宮徵相
看六十年歲月未云駛兒孫森玉立繞膝承甘旨佳辰
來衆賓拜手祝蕃祉悠悠逕菊黃裊裊爐烟紫居然塵
壺中雙壽照圖史願酌九醞觴朱顏似童子歲賦長生
篇家慶自今始

題畫送敏聰弟還河間

西風吹徹桂花秋欲去珍禽不自由無限人間離別意

海天明月照高樓

輓過野舟六絕

歲穀如流水霜華滿鬢催
滄江虹月在不見米狂來
舉世皆如夢虛堂晝掩扉
幾人名利窟回首解忘機
芳林園石塢人指薛涇原
此日歸真宅端然識寓言
談屑多吳體才華似郢人一
編窺豹藁誰復和陽春
鳳翥鵬騫後冲霄一鶴翔
九原知不憾林立見三郎
遠客詢遺行何如漢郭君
墓前新白石應刻蔡邕文

飲王陳二真人園亭

二真重約飲西城面面踈櫺暑氣清了盡宦緣投子色
喚醒塵夢步虛聲落花久放遊人醉閩果深勞餉客情
多病近來思辟穀琳宮何日報丹成

竹茶爐卷

惠山聽松菴有王舍人孟端竹茶爐既亡而復秦
太守廷韶嘗求予詩後予過惠山菴僧因出此爐
吟賞竟日蓋十餘年矣觀吳同寅原博及虞舜臣

倡和卷慨然興懷輒繼聲其後得二章

新茶曾試惠山泉拂拭筠爐手自煎擬置水符千里外
忽驚詩案十年前野僧暫挽孤帆住詞客遙分半榻眠
回首舊遊如昨日山中清樂羨君全

細結湘筠煮石泉虛心寧復畏相煎巧形自出今人上
清供曾當古佛前可配瓦盆窮玉注絕勝金鼎護砂眠
長安詩社如相續得似軒轅句渾全

鞠筠圖題壽人母

風前一種勝金黃頭白相看樹北堂
耻與繁華爭歲月獨依高節共冰霜
綵衣欲亂參差影綠酒能分潏灩香
擬向花神問家慶竹孫時拂翠雲長

題南宋陳樞長江萬里圖

曾聽江聲過海門眼中忽見舊濤痕
山崩岸圯知多少獨有中流砥柱存

萬里沉沉水拍天詩人猶記夜鳴舷
醉來直上金山寺酌取中濡第一泉


江風吹浪雪粼粼
笑撫冰縑欲問津
短檣輕橈渾不見
未應無復濟川人

南渡陳郎筆意閒
水雲搖動墨池間
長江不作華夷限
定寫瓜州北岸山

題大畋汪希大養浩齋卷

我有浩然氣充之塞乾坤
一蹴苟失養此志日已昏
汪君發之彥烈烈前王孫
窮年事探討成性將存存
昭示揭華篇如在孟氏門
豈無媚學子日夕攻討論
所思在

葩藻誰解植本根若人乃超然德性行以尊永言勿自
餒坐使民風敦



篁墩文集卷七十四